

Adresa: 6. mart br. 19, 71240 Hadžići
Telefon: +387 33 580 715
Telefon: +387 33 580 716
sscha@bih.net.ba
sscha.edu.ba



Address: 6. mart br.19, 71240 Hadžići
Telephone: +387 580 715
Telephone: +387 580 716
sscha@bih.net.ba
sscha.edu.ba

P R A V I L A
O IZMJENAMA I DOPUNAMA PRAVILA
JU SREDNJOŠKOLSKI CENTAR HADŽIĆI

Hadžići, august 2026. godine

Na osnovu člana 37. Zakona o ustanovama ("Službeni list RBiH" broj: 6/92, 8/93 i 13/94), člana 20. i člana 108. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo, broj: 27/24), člana 137. Pravila škole a u vezi sa članom 188. Pravila škole, članova 55. i 65. Kolektivnog ugovora za djelatnost srednjeg obrazovanja u Kantonu Sarajevo („Službene novine Kantona Sarajevo“ broj: 17/26), Školski odbor JU Srednjoškolski centar Hadžići uz saglasnost Ministarstva za odgoj i obrazovanje Kantona Sarajevo broj: 11-06/01-02-33542-1/26 od 09.07.2026. godine d o n o s i

P R A V I L A

O IZMJENAMA I DOPUNAMA PRAVILA

JU SREDNJOŠKOLSKI CENTAR HADŽIĆI

Član 1.

U Pravilima JU Srednjoškolski centar Hadžići, broj: 06-49-1-1079-02/2025 od 18.04.2025. godine, Pravilima o izmjenama i dopunama Pravila JU Srednjoškolski centar Hadžići, broj: 06-49-1-1699-01/2026 od 11.06.2025. godine (u daljem tekstu: Pravila)

(1) Član 126. stav (3) se mijenja i glasi:

"(3) Radnik koji je postigao najviši stepen službenog zvanja, ima pravo na uvećanje njegove osnovne plaće za 15% nakon 12 godina provedenih u najvišem službenom zvanju, pod uslovom da je u tom periodu bio uvijek ocjenjivan ocjenom "naročito se ističe"."

(2) Dosadašnji stavovi (3), (4) i (5) postaju stavovi (4), (5) i (6)

Član 2.

(1) U članu 128. u stavu (1) riječi: „noćni čuvar zadužen za sigurnost“ i „radnik za servisno-tehničku podršku“ se brišu.

(2) U članu 128. stav (2) se mijenja i glasi:

"(2) Ocjena o radu i procent na ime ocjene rada utvrđuje se pojedinačnim detaljno obrazloženim rješenjem direktora Škole koje direktor donosi svako svakih šest mjeseci svake godine i koje se radniku izdaje najkasnije 15 dana po isteku šestomjesečnog praćenja radnika.

(3) U članu 128. u stavu (3) riječ „prigovora“ zamjenjuje se sa riječju :“žalbe“.

(4) U članu 128. stav (4) se mijenja i glasi:

„(4) Školski odbor odlučuje o žalbi iz stava (3) ovog člana, u roku od 15 dana od dana podnošenja žalbe:“

(5) U članu 128. dodaje se stav (5) i (6) koji glase:

„(5) Odluka Školskog odbora je konačna.

(6) Radnik ima pravo da osporava rješenje putem nadležnog suda.“

Član 3.

(1) U članu 129. u stavu (1) riječ „kalendarske“ zamjenjuje se riječju „školske“

(2) U članu 129. stav (2) se mijenja i glasi:

(1) „Predmet ocjenjivanja radnika iz člana 128 stav (1) i broj bodova utvrđuje se prema rezultatima rada koji su postignuti tokom šestomjesečnog praćenja rada na

blagovremenom, pravilnom, zakonitom i stručnom obavljanju svih poslova radnog mjesta, i to:

- a) kvalitetno i efikasno obavljanje poslova - 0 do 5 bodova,
- b) blagovremeno obavljanje poslova - 0 do 5 bodova,
- c) predanost i marljivost u radu - 0 do 5 bodova,
- d) korektan odnos prema sredstvima za rad - 0 do 5 bodova,
- e) racionalno korištenje radnog vremena i prisutnost na poslu - 0 do 5 bodova,
- f) iskazivanje ličnih osobina na poslu kao što su odnosi i ponašanje prema strankama i radnim kolegama - 0 do 5 bodova.

Član 4.

- (1) Član 130. se mijenja i glasi:
- (2) „Radnici iz člana 128. ocjenjuje se ocjenom:
 - a) „izuzetno uspješan” (broj bodova 26-30)
 - b) „uspješan” (broj bodova 26-30)
 - c) „dobar” (broj bodova 16-20)
 - d) „zadovoljava” (broj bodova 11-15)
 - e) „ne zadovoljava” (broj bodova 0-10)

Član 5.

Ostale odredbe Pravila ostaju nepromjenjene.

Član 6.

(Stupanje na snagu Pravila)

Ova Pravila se donose na osnovu saglasnosti Ministarstva za odgoj i obrazovanje Kantna Sarajevo broj: 11-06/01-02-33542-1/26 od 09.07.2026. godine, a stupaju na snagu danom usvajanja na sjednici školskog odbora.

PREDSJEDNIK ŠKOLSKOG ODBORA

Duvnjak Mirela

Broj: 06-49-1-2461/2026

Datum: 17.08.2026. godine